



Inatsisartunut ilaasortaq, Jens-Frederik Nielsen
Demokraatit

Inuussutissanik misissuinerit pillugit § 37 naapertorlugu apeqquteqaammut 122-2022-mut akissut

17-11-2022
Sagsnr. 2022-13168

Asasara Jens-Frederik Nielsen

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37 naapertorlugu inuussutissanik misissuinerit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

Aningaasaqarnermut Naligiissitaanermullu Naalakkersuisoqarfimmiit akissuteqaamut atorneqartussamik oqaaseqaateqarput.

1. Akinik misissuisoqarnissaa Inatsisartut UPA2019/194 suliarineqarnerani aalajangersimasaat Naalakkersuisut suliariniarnerlunikku?

Akissut: Inatsisartut 2019-imi upernaakkut ataatsimiinnerini immikkoortoq UPA2019/194-ip oqaluuserineqarnerani aalajangerneqarluni akinik misissuinissaq, covid-19 patsisaalluni misissuinerup naammassineqarnissaa kinguaattoornikuuvoq. Covid-19-ip nunarsuatsinni tuniluunnerani paasissutissanik katersiniarnerup unammillernarsimanera kinguaattoornermut ilaatigut patsisaavoq. Tamatuma saniatigut misissueqqissaarnissamut atatillugu Naalakkersuisut nutaamik aalajangiinissaat suli eqqartorneqanngilaq.

Covid-19-ip nunarsuatsinni tuniluunnissaa sioqqullugu, tuniluunneranilu paasissutissanik katersisoqarsimanera misissuineri killiffiuvoq. Tamatuma saniatigut misissueqqissaarnermut allaqqitassiaagallartoq siornatigut suliarineqarnikuuvoq. Ilaatigut paasissutissat nutarterneqarnissaat siunertaralugu misissueqqissaarnermi allaqqitassiaq uterfigineqaqqittussaassaaq, piffissami kingullermi akinut tunngatillugu ineriartorneq siunertarineqarluni. Tamatuma saniatigut nunatsinni akit ineriartornerinut avataaniit sunniutaasinnaasut aamma nalilerneqartariaqarsinnaassapput.

a. Taava misissuisimaneq Naalakkersuisuniit qaqugu saqqummiunniarneqassava?

Akissut: Misissueqqissaarnerup ingerlateqqinneqassasoq aalajangerneqassappat, akinik misissuineq siusinnerpaamik 2023-p upernaani agguanneqarsinnaassaaq.

b. Piffissaq tassani siunnersuuteqartut 750.000 koruuninik naleqarnissaa missingerpaat. Misissuineq naammassineqassappat Naalakkersuisut qanoq nalilerpaat? (Sulianik aallartisartoqalereersimanissaa naatsorsuutigissallugu aalajangersimavunga)

Akissut: Apeqquut 1-imut akissummi eqqaaneqartut aallarniutaasumik misissuinerit ingerlanneqareerput. Taamaalilluni Nunatsinni paasissutissanik siammasissumik katersinermi aningaasanik atuisoqareerpoq. Akinik misissuineq siunertaralugu misissueqqissaartoqartariaqartoq nutarterinissamullu, malitsigisaanillu nutsertitsisoqartariaqarpoq. Aningaasartuutigineqartussat naatsorsuutigineqarsimasut siusinnerusukkut naatsorsuutigineqarsimasut sipporneqarnissaat naatsorsuutigineqanngilaq.

2. Naalakkersuisut sammisamut allanik paasissutissiisinnaanerlutik?

Akissut: Naalakkersuisut annerusumik ilassutissaqanngillat.

Inussiarnersumik inuulluaqqusillunga

Med venlig hilsen



Vivian Motzfeldt